

各邊倉場官攢斗庫人等有犯監守常人盜滿貫斬絞罪者遇革監追完日文武職官仍發充軍吏與原籍爲民斗庫人等依例釋放正犯逃故不分革前革後俱於同變至親家屬名下追陪例

成化十二年十二月二十一日都察院掌院事太子少保兼左都御史李 等題爲禁革邊儲奸弊等事陝西道呈奉本院劄付雅戶部咨陝西清吏司案呈照得巡撫甘肅右副都御史宋 咨稱甘肅一十一倉查盤過虧折侵盜糧料布絹銀兩官攢斗庫人等蘇智等俱問擬監守自盜常人盜倉庫錢糧斬絞等軍發仰各衛監併原盜糧料共二十八萬六千餘石絹布共三萬四千八百餘疋銀二千六百五十四兩

迄今一年之上止追糧料一千六百餘石其餘俱未  
追完成化十一年十一月初八日遇蒙

恩宥除官攢例不該宥應合充軍照舊監追外其斗庫部  
運人等雖例該者免緣侵盜邊糧數多未敢釋放要  
照刑部奏

往監守自盜斬絞等罪犯人枉廣等遇

赦仍前監追事例照舊監追等因移咨到院看得枉廣等  
犯罪雖與蘇智等相同緣枉廣等侵盜誑騙之  
物入官給主其蘇智等侵盜糧料銀絹俱係極邊  
倉庫錢糧倘邊事緊急倉庫空虛誤事非小其罪  
惡比枉廣等保重十倍故將蘇智等照舊監追  
原盜贓物緣係遇

赦人數比例監追未敢擅便定奪本部具題成化十二年九

月二十九日奉

聖旨是這廝每侵盜錢糧數多都不饒看上緊追徵欽此  
欽遵外議得邊倉蓄積糧草錢帛等物非止甘肅窩  
然其遼東宣府大同榆林寧夏四川建昌松潘廣西  
貴州等處倉場多係本部運送銀兩糴買及於民間  
稅糧內徵納等項備邊之數其官攢斗庫人等往往  
倚恃邊方遼邈官司閑防不同縱意侵盜略無忌憚  
及過查盤追究其犯監守自盜常人盜倉庫錢糧雖  
律該滿貫斬絞重罪俱從難犯贖罪納米等項事件  
發落雖法司奏有充軍監追事例遇蒙

恩典寬恤又多減等釋放或發所司監追者每每故意延捱  
歲月以圖寬免多中其奸計所允惡罪既得餘免侵  
盜錢糧公然無償以是法縱人頑奸弊日滋今蘇智



等罪惡貫盈情不可宥幸

皇旨昭日月之明不置於寬貸之例法令惟新人心畏服但如此之徒在處有之若不定爲通例來爲遵守非惟人愈輕玩而法將廢弛抑亦重虧

國計有悞邊事案呈卻行都察院會同刑部大理寺會議斟酌今後有犯侵盜各邊糧草等項盜糧五十石草一千束錢帛值銀二十五兩以下者俱照常例發落但糧五十石草一千束錢帛值銀二十五兩之上者監追完日照依刑部近日奏

准充軍事例施行其糧二十石草四十束錢帛值銀一百兩以上者不分文武職官吏與斗庫部運人等悉照今奉

欽依處置餘智等事理雖經

大赦贓罪俱不免照舊監追若正犯內有逃故等項仍於至親家屬名下追陪其監臨分巡分守等官事前不行關防組拿以後事發者俱連坐以罪等因成化十二年十一月初九日本部尚書楊等具題次日於奉

天門奏奉

聖旨是正犯逃故的於同覺至親家屬名下追陪欽此欽遵備罰到道具呈到院臣等會同刑部大理寺尚書等官董等查得成化十一年七月十八日先該

欽差巡撫甘肅本院右副都御史朱奏內一件嚴法令以革邊倉之弊該刑部等衙門議得各邊若有偽造印信假捏文書攬納誑騙把持官府打攬倉場通同官攬斗庫人等侵欺虛出盜賣邊境倉糧犯該驛守自盜常人盜滿貫斬絞罪監追完日不分官吏軍民

人等俱連當房家小發邊衛充軍若軍人原係腹裏者調邊衛充軍原係邊衛者調發極邊衛分充軍俱常川守哨文武職官有犯議擬監候奏

請處置犯該徒罪以下照常例發落等因具題奉

聖旨准擬欽此已經通行巡撫巡按并問刑衙門一體欽遵去後係是見行事件及觀成化十一年十一月初八日節該欽奉

詔書內一款文武職官有犯賄罪不赦又一款文武官吏人等有犯貪違者悉發原籍為民欽此欽遵外今戶部尚書楊等奏稱今後有犯侵盜各邊糧草等項盜糧五十石草一千束錢帛值銀二十五兩以下者俱照常發落但至五十石草一千束錢帛值銀二十五兩以上者監追完日照依刑部近日奏

准充軍事例施行其糧過二百石草千束錢帛值銀一百兩以上者不分文武職官吏典斗庫部運人等悉照今奉

欽依處置餘習等事理雖經

大赦賍罪俱不宥免照舊違若正犯內有逃故等項仍於至親家屬名下追陪其監臨分巡分守等官事前不行關防糾舉以後事發者俱連坐以罪一節臣等議得邊方錢糧緊急備用官攢斗庫人等縱意侵盜監臨官員關防不周及查盤追究犯該斬絞者遇

恩典寬恤又多減等釋放或發所司監追故意延擱以圖寬免誠有此弊但此等之徒革後犯該監守自盜常人盜滿貫斬絞罪者總有前項充軍事例足以懲其奸惡再難便改其犯在革前雖有減等釋放之例係是



一時

恩典難以預先定爲通例合無今後甘肅遼東宣府大同榆林寧夏四川建昌松潘廣西貴州等處各邊倉場官攢斗庫人等有犯監守盜常人盜滿貫斬絞罪者仍照見行事例發落其犯在革前官攢斗庫人等監追完日照依欽奉

詔書內事理文武職官例不該宥者照例發遣充軍吏典原籍爲民斗庫人等依例釋放以後若或事已發覺因罪監追及事未發覺遇蒙恩例臨時酌量情重輕具

奏定奪如正犯內有逃故等項不分革前革後照今奉欽依內於同變至親家屬名下追陪其監臨分巡分守等官事前不行閔防糾舉以後事發者俱連坐以罪如此則

恩典得以兩全人知警畏而奸弊可革矣緣係會議禁革邊儲奸弊事例未敢擅便具題次日奉聖旨是欽此